

SUPLENTES / SUPLENTES

DE PRESIDENTE/A: D/D ^a . DO/DA PRESIDENTE/A: D/D ^a .	MARIA SOLEDAD LAGO BLANCO	D.N.I. D.N.I.	76989728B	ELECTOR N ^o ELECTOR N ^o	000020
DE PRESIDENTE/A: D/D ^a . DO/DA PRESIDENTE/A: D/D ^a .	FERNANDO LAGO FERNANDEZ	D.N.I. D.N.I.	36084636M	ELECTOR N ^o ELECTOR N ^o	000026
DE 1er. VOCAL: D/D ^a . DO/DA 1 ^a VOGAL: D/D ^a .	KATIXA MAGALLANES CELESTINO	D.N.I. D.N.I.	53196962D	ELECTOR N ^o ELECTOR N ^o	000066
DE 1er. VOCAL: D/D ^a . DO/DA 1 ^a VOGAL: D/D ^a .	FRANCISCO JAVIER SANTOS MARTINEZ	D.N.I. D.N.I.	36094649J	ELECTOR N ^o ELECTOR N ^o	000302
DE 2 ^a VOCAL: D/D ^a . DO/DA 2 ^a VOGAL: D/D ^a .	JUAN DIEGO MANUEL MONTENEGRO BALLESTEROS	D.N.I. D.N.I.	36136205P	ELECTOR N ^o ELECTOR N ^o	000124
DE 2 ^a VOCAL: D/D ^a . DO/DA 2 ^a VOGAL: D/D ^a .	ROSA RODRIGUEZ CARBALLED0	D.N.I. D.N.I.	36053944H	ELECTOR N ^o ELECTOR N ^o	000227


Pola Presidencia dase por rematada a presente sesión, sendo as nove horas e catorce minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 078 do Papel Timbrado da Comunidade Autónoma de Galicia, Serie A nº 2237073 ata a volta do folio núm.090, Serie A nº 2237090, e todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGONA MERINO GIL

SESIÓN ORDINARIA CELEBRADA POLO PLENO DO CONCELLO O DÍA **27 - MAIO - 2009**

ORDE DO DÍA

- 1.- APROBACIÓN DAS ACTAS DAS DÚAS ÚLTIMAS SESIÓN.
- 2.- DAR CONTA DE RESOLUCIÓN DO CONCELLEIRO DELEGADO DE SERVICIOS SOCIAIS, DE DATA 18.05.09, DE SUBVENCION PARA A FINANCIACIÓN DO PROGRAMA DE DESENVOLVEMENTO DO POBO XITANO.
- 3.- ESTUDO DE VIABILIDADE DUN CENTRO MUNICIPAL DE DEPORTE, LECER E OUTROS SERVIZOS EN LAREDO, CHAPELA.
- 4.- REVISIÓN DE PREZOS DO CONTRATO DE LIMPEZA DE EDIFICIOS PÚBLICOS.
- 5.- APROBACIÓN BASES QUE REXERÁN A CONVOCATORIA DE SUBHASTA DE POSTOS NO MERCADO MUNICIPAL DE ABASTOS DE REDONDELA.



(Sinatura do Presidente)

Folio N.º

Serie A N.º 2237091

- 6.- PROPOSTA DE MODIFICACIÓN ACORDO PLENARIO DO 30.07.08, S/ ADXUDICACIÓN POSTO NO MERCADO DE ABASTOS DE REDONDELA.
- 7.- ACTIVIDADE DE CONTROL DO PLENO:
 - 7.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 7.2.- MOCIÓNS.
 - 7.2.1.- MOCIÓN DO GRUPO MUNICIPAL DO PARTIDO POPULAR, S/ RETRASO NA ENTRADA EN VIGOR DA LIMITACIÓN HORARIA DE ESTACIONAMENTO EN ZONA AZUL.
 - 7.3.- ROGOS E PREGUNTAS.

Na Casa do Concello de Redondela, sendo as nove trinta horas do día vinteseite de maio de dous mil nove, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. MARIA ALBINA REBOREDO SURIS, D. MANUEL IGLESIAS CARRERA, DONA. LAURA LAGO ALLER, D. CARLOS GONZÁLEZ FERNÁNDEZ, D^a. ISABEL CASTRO PIEDRAS, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ÁNGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu a Sra. Interventora Xeral do Concello D^a. AGUEDA BELLO VALDÉS, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asisten, excusando a súa ausencia, a señora concelleira D^a. LAURA ALONSO GÓMEZ.

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A concelleira DONA. FRANCISCA CANAL GÓMEZ, auséntase da sesión no debate da moción que figura no punto 7.2 da Orde do Día.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DAS ACTAS DAS DÚAS ÚLTIMAS SESIÓNS.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (8 do PSdeG-PSOE, 7 do PP, 3 do BNG, e 2 do PG), acorda prestar aprobación ás actas das sesións celebradas con carácter ordinario o día 29 de abril e, extraordinario o día 11 de maio de 2009.-

2.- DAR CONTA DE RESOLUCIÓN DO CONCELLEIRO DELEGADO DE SERVICIOS SOCIAIS, DE DATA 18.05.09, DE SUBVENCIÓN PARA A FINANCIACIÓN DO PROGRAMA DE DESENVOLVEMENTO DO POBO XITANO.-

Dada conta da Resolución do Concelleiro Delegado de Servizos Sociais e Igualdade, de data 18 de maio de 2009, que transcrita dí:

"Vista a Orde de convocatoria da Vicepresidencia da Igualdade e do Benestar do 1 de abril do 2009, polo que se regulan as bases polas que se rexerá a concesión de subvencións destinadas á prestación de servizos sociais polas corporacións locais. Dende o departamento municipal de Servizos Sociais elabórase unha memoria para solicitar financiación para o proxecto de desenvolvemento do pobo xitano.

Este Concelleiro delegado considerando que o Concello de Redondela é susceptible de acollerse á convocatoria, RESOLVE:

PRIMEIRO.- Solicitar ao abeiro da citada Orde unha subvención de 12.000 € para a financiación do programa de desenvolvemento do pobo xitano.

SEGUNDO.- Dar conta da presente resolución ao Pleno do Concello na primeira sesión que se celebre."

INTERVENCIÓNS.-

A concelleira señora Canal Gómez solicita intervir neste punto e pregunta se hai unha problemática tan grande en relación á asentamentos de xitanos na vila como para adicar recursos a este sector no lugar de atender outras atencións máis acuciantes relacionadas coa emerxencia social, e outras necesidades.

O Sr. Alcalde sinala que neste punto se trata de dar conta, polo que non procede debater nada, aínda que sen que sirva de precedente cédelle a palabra para responder ao señor Pazos Docampo.

Este dí que a liña de axudas é específica para o pobo xitano e do que se trata é de acollerse ou renunciar, non se poden adicar eses recursos a outras cousas.

O Concello Pleno, quedou enterado da Resolución do concelleiro delegado de Servizos Sociais e Igualdade, transcrita.-

3.- ESTUDO DE VIABILIDADE DUN CENTRO MUNICIPAL DE DEPORTE, LECER E OUTROS SERVIZOS EN LAREDO, CHAPELA.-

Pola Presidencia retírase o presente punto da Orde do Día.-

4.- REVISIÓN DE PREZOS DO CONTRATO DE LIMPEZA DE EDIFICIOS PÚBLICOS.-

ANTECEDENTES.-

Ditame da Comisión Informativa de Facenda e Patrimonio, de data 25 de maio de 2009, que transcrito dí:

Vista a proposta da Alcaldía de data 27 de febreiro de 2009, que transcrita dí:

"Con data 31.10.2006 formalizouse contrato con D. Alfonso Regueiro Costas, en representación de VIGUESA DE LIMPIEZAS ALMI, S. L., para prestación do servizo de limpeza en edificios municipais, con arranxo ás disposicións contidas no prego de cláusulas administrativas que serviron de base ao concerto convocado para a devandita contratación.



(Sinatura do Presidente)

Folio N.º

Serie A N.º 2237092

Visto o escrito presentado pola empresa adxudicataria o 05.02.09, solicitando o aumento do prezo do contrato a partir do 01.11.2008 e a certificación do INE referido ao IPC da nosa comunidade autónoma do periodo novembro 2007-novembro 2008 que reflicte un incremento do 2,2%.

Vista a base 17ª dos pregos reguladores do contrato no que respecto da actualización do prezo do contrato establece: "O prezo revisarase anualmente, previa petición do adxudicatario e en función das variacións que experimente o índice de prezos ó consumo, ou índice que o substitúa da Comunidade autónoma de Galicia, tomando como inicial o correspondente á data de iniciación do servizo e como final para cada revisión o último aprobado aínda que sexa provisoriamente".

Visto o informe de fiscalización de intervención favorable ao peticionado.

Esta Alcaldía propón á Comisión informativa de facenda e patrimonio que eleve proposta ao concello pleno para a adopción do seguinte acordo:

Acceder ao solicitado autorizando o abono das facturas mensuais emitidas polo adxudicatario con posterioridade ao 01.11.2008 co incremento correspondente do IPC, que, de acordo coa certificación indicada na parte expositiva, ascende ao 2,2 %."

Votación e dictame.- A Comisión informativa de facenda e patrimonio, co voto favorable dos/as Sres/as concelleiros/as dos Grupos municipais do PSdeG-PSOE (4), do BNG (2) e do PG (1), e a abstención do Grupo Municipal do PP (4), ditaminou favorablemente a Proposta da Alcaldía antes transcrita."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG), e sete abstencións (7 do PP), aprobou, nos seus propios termos, o ditame da Comisión Informativa de Facenda e Patrimonio, nos antecedentes transcrito.-

5.- APROBACIÓN BASES QUE REXERÁN A CONVOCATORIA DE SUBHASTA DE POSTOS NO MERCADO MUNICIPAL DE ABASTOS DE REDONDELA.-

ANTECEDENTES.-

Ditame da Comisión Informativa de Interior, de data 25 de maio de 2009, que transcrito dí:

"Antecedentes.-

Proposta do Concelleiro Delegado de Servizos, de data 13.05.09, que transcrita dí:

"Ante o número elevado de postos baleiros existentes no Mercado de Abastos de Redondela, tanto na sala central como na planta baixa, nos que se destinan á venda de peixe, carnicería e outros, faise necesario proceder a súa ocupación. A tal efecto este Concelleiro, propón ao Pleno do Concello a aprobación das bases confeccionadas para a subhasta e a concesión administrativa polo tempo previsto no Regulamento aprobado para o funcionamento dos Mercados de Abastos de Redondela, dos postos baleiros no Mercado de Abastos do Concello de Redondela.

Votación e dictame.-

Sometida a Proposta a votación, a Comisión Informativa de Interior, en votación ordinaria e por maioría dos/as Sres./as Concelleiros/as asistentes, sendo sete votos a favor (4 do PSdeG-PSOE, 2 do B.N.G. e 1 do PG), e catro abstencións (4 do PP), estimou oportuno dictaminar favorablemente a proposta do concelleiro

delegado de servizos, nos antecedentes transcrita, e na súa consecuencia propoñer ao Concello Pleno, a súa aprobación."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG), e sete abstencións (7 do PP), aprobou, nos seus propios termos, o dictame da Comisión Informativa de Interior, nos antecedentes transcrito.-

6.- PROPOSTA DE MODIFICACIÓN ACORDO PLENARIO DO 30.07.08, S/ ADXUDICACIÓN POSTO NO MERCADO DE ABASTOS DE REDONDELA.-

ANTECEDENTES.-

Dictame da Comisión Informativa de Interior, de data 25 de maio de 2009, que transcrito dí:

"Antecedentes.-

Proposta do Concelleiro Delegado de Servicios, de data 21.05.09, que transcrita dí:

"Examinado e detectado erro no acordo plenario de data 30.07.08 de Adxudicación de Postos no Mercado de Abastos de Redondela, polo que aproba, entre outros, o seguinte:

"... Primeiro: adxudicar a Dna. M^a Teresa Soto Pérez, con DNI 76.981.400-D, o posto núm. 6 (a) Sala Central.- I Bancadas) da actividade de peixe, polo prezo de licitación, importe que ascende á cantidade de 1.400 euros ...", cando debería dicir 300 euros.

Segundo: Deberá presentar fianza definitiva por importe de 56,00 euros, equivalente ao 4% do prezo de licitación...", cando debería dicir 12,00 euros.

A tal efecto este Concelleiro propón ao Pleno do Concello:

Primeiro.- Modificar o importe do recibo que debe ser de 300 €, pola adxudicación outorgada a Dona. M^a Teresa Soto Pérez, con DNI 76.981.400-D, polo posto núm. 6 (a) Sala Central.- I Bancadas) da actividade de peixe, do Mercado de Abastos de Redondela con efectos dende o 30 de xullo de 2008, data do acordo plenario, e proceder á devolución do importe restante.

Segundo.- Modificar o importe do recibo da fianza definitiva, que debe ser de 12,00 euros, con efectos dende o 30 de xullo de 2008, data do acordo plenario, e proceder á devolución do importe restante."

Votación e dictame.-

Sometida a Proposta a votación, a Comisión Informativa de Interior, en votación ordinaria e por maioría dos/as Sres./as Concelleiros/as asistentes, sendo sete votos a favor (4 do PSdeG-PSOE, 2 do B.N.G. e 1 do PG), e catro abstencións (4 do PP), estimou oportuno dictaminar favorablemente a proposta do concelleiro delegado de servizos, nos antecedentes transcrita, e na súa consecuencia propoñer ao Concello Pleno, a súa aprobación."



(Sinatura do Presidente)

Folio N.º

Serie A N.º 2237093

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo trece votos a favor (8 do PSdeG-PSOE, 3 do BNG e 2 do PG), e sete abstencións (7 do PP), aprobou, nos seus propios termos, o dictame da Comisión Informativa de Interior, nos antecedentes transcrito.-

7.- ACTIVIDADE DE CONTROL DO PLENO:**7.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.-**

O Concello Pleno dase por enterado do contido das Resolucións da Alcaldía e dos Concelleiros Delegados dende o día 27 de abril ao 21 de maio de 2009.-

7.2.- MOCIÓNS.-**7.2.1.- MOCIÓN DO GRUPO MUNICIPAL DO PARTIDO POPULAR, S/ RETRASO NA ENTRADA EN VIGOR DA LIMITACIÓN HORARIA DE ESTACIONAMIENTO EN ZONA AZUL.-****ANTECEDENTES.-**

Moción presentada polo concelleiro do grupo municipal do Partido Popular, no rexistro xeral do Concello, con data 22 de maio de 2009, e núm. de Rex. de Entrada 5332, que transcrita dí:

"En datas recentes, a concellería de Tráfico anunciou a través dos medios de comunicación e da páxina web do Concello de Redondela, a posta en marcha do control na zona azul de estacionamento con horario limitado, a partir do vindeiro 1 de xuño.

O Partido Popular mostrouse en todo momento contrario a esta medida de limitación de estacionamento, por entender que tomada de forma illada, sen a elaboración dun proxecto integral de tráfico e estacionamento en Redondela, non só non solucionaría os problemas desta índole que sofre a vila, máis ben o contrario, contribuirá a agravalos.

Máis aló desta consideración xeral, hoxe queremos centrar esta proposta, no momento elixido para poñer en funcionamento o servizo. Nun momento en que se están executando obras de reforma de varios viais do centro de Redondela, e considerando que en breve prazo está previsto o comenzo doutras que afectarán a un importante número de prazas de estacionamento público e gratuito, poñer en marcha a limitación de horarios de estacionamento, supón unha carga excesiva para un comercio local que xa está sufrindo as consecuencias da actual crise económica.

A experiencia vivida coa reforma das rúas Alfonso XII, Ribeira e Xeral Rubín, debería termos ensinado as negativas consecuencias que supón para os comerciantes as molestias que inevitablemente causa toda obra. É por iso que o Grupo Popular non pode entender a falta de sensibilidade deste Goberno, que, coa medida que pretende implementar a partir do primeiro de xuño, só contribúe a agravar, a xa en por sí, difícil situación que atravesamos o noso comercio.

Por todo o anteriormente exposto, PROPOÑO:

Que, polo Pleno do Concello de Redondela, se adopte acordo de atrasar a entrada en vigor da limitación horaria de estacionamento en zona azul, ata a completa finalización das obras de reforma viaria prevista no centro de Redondela."

INTERVENCIONS.-

O concelleiro señor Bastos Fernández considera positiva a moción porque xa coas anteriores obras que se realizaron no centro da vila houbo moito caos e a medida prexudica ao pequeno comercio.

O concelleiro señor Pazos Docampo dí que só quere felicitar ao PP polo esforzo que fan para normalizar o idioma galego.

O concelleiro señor Reguera Ocampo indica que o fondo do asunto xa se debateu no mes de novembro ao aprobar a correspondente ordenanza. Sinala que a medida foi demandada por diversos colectivos de Redondela, como a Asociación de Empresarios, co obxecto de revitalizar o comercio no centro. Dí que este é o único Concello no que o PP está en contra das humanizacións e da zona azul en contra do que opinan o resto dos partidos políticos de Redondela. Sinala que tódalas obras do FEIL van ter unha incidencia mínima nos aparcamentos na vila.

O concelleiro señor Pazos Couñago agradece a felicitación do señor Pazos Docampo e respóstalle que eles están dispostos a seguir colaborando. Considera que a este voceiro namentras lle paguen ao fin de mes non lle interesa outra cousa. Tamén dí que o tema das humanizacións non foi debatido aínda que afirma estar en contra porque consideran que antes hai que arranxar o tráfico e despois humanizar. Indica que a medida vai con certo atraso porque o concelleiro dixera que ía imprantala xusto despois do Nadal e dí que o que pediu a Asociación de Empresarios foi que se fixeran aparcamentos disuasorios para posibilitar tamén que a xente que ven traballar a Redondela teña onde aparcar. Dí que o que se pide agora é que mentres se rematan as obras de humanización non se engada unha dificultade máis coa limitación do aparcamento, porque considera que tampouco urxe. Tampouco lle parece lóxico adicar os efectivos da policía local a controlar os discos cando fan falta para paliar outras cuestións, como os recentes roubos nalgúns establecementos.

O concelleiro señor Bastos Fernández dí que eles non están en contra do disco pero sí con que se atrase ata que rematen as obras.

O concelleiro señor Pazos Docampo sinala que o PP non dixo nada que estea acreditado polo que non se amparan en nada. Opina que van contracorrente.

O concelleiro señor Reguera Ocampo considera que o PP sí está en contra da medida con carácter xeral porque así o recollen na parte expositiva da moción. Sinala que se retrasou a entrada en vigor porque tamén tardou a publicación no boletín oficial. Insiste en que as obras van ter mínima incidencia no aparcamento e considera que Redondela conta con zonas de aparcamento que abundan para que a xente que ven traballar aquí poida deixa-los coches. Afirma que a demanda dos representantes da Asociación de Empresarios e dos comerciantes da praza era continua e opina que o PP soamente quere facer oposición e aínda non lles escoitou unha proposta.

O concelleiro señor Pazos Couñago dí que iso de que nadie comparte a postura do PP, segundo a afirmación do voceiro do BNG é un pouco categórico, sobre todo ao considerar que eles teñen cinco representantes máis neste Concello. Insiste en que non están en contra das humanizacións pero que hai que resolver antes os problemas de tráfico e dí que está disposto a facer propostas sempre e cando o concelleiro delegado, que cobra por iso, lle deixe o seu posto deixándolles gobernar a eles. Recomenda ao señor Reguera que fale co presidente da Asociación de Empresarios para saber o que realmente pensan.

VOTACIÓN E ACORDO.-

Sometida a Moción a votación, o Concello Pleno, en votación ordinaria e por maioría dos/as Sres./as Concelleiros/as asistentes, sendo once votos en contra (8 do PSdeG-PSOE, 3 do BNG) e oito votos a favor (6 do PP e 2 do PG), rexeitou a Moción do grupo municipal do Partido Popular, nos antecedentes transcrita.-



(Selo da Corporación)

(Sinatura do Presidente)

Folio N.º

Serie A N.º 2237094

7.3.- ROGOS E PREGUNTAS.-

O concelleiro D. José A. Pazos Couñago, formúla as seguintes preguntas:

1.- No pleno celebrado o pasado mes de xaneiro, este concelleiro fixo unha pregunta relativa aos motivos do anormal funcionamento da iluminación pública na zona de execución de obras de acondicionamento e mellora realizadas na N-555, e máis concretamente no tramo situado na parroquia de Vilar, barrio de Millarada.

Transcorridos varios meses dende que formulamos a pregunta, comprobamos que nos dous puntos máis peligrosos do trazado, é dicir, onde se sitúan as dúas glorietas, segue sen existir ningún tipo de iluminación ou sinalización que permita distinguir estes dous elementos viarios con claridade, provocando unha situación de enorme perigo para a veciñanza e usuarios e usuarias da vía, motivo polo que formulamos a seguinte pregunta: Que xestións se realizaron para corrixir esta situación?.

Responde o concelleiro Sr. Iglesias Carrera e dí que debe facer tempo que non vai por alí porque está todo sinalizado.

2.- Unha vez máis este concelleiro se ve obrigado a realizar unha pregunta a teor do lamentable estado que presenta a xunta de dilatación situada na Praza de Ribadavia, a que, de forma reiterada, vén presentando importantes estragos derivados da inadecuada execución da obra de reforma desta praza, sen que ata o de agora os responsables municipais, foran capaces de ofrecer solución definitiva a unha situación que afecta á seguridade da circulación, a máis de ofrecer unha imaxe moi negativa de Redondela. Nas dúas ocasións anteriores en que formulamos preguntas sobre esta particular, lles instábase a esixir as oportunas responsabilidades á empresa executante, sen que actualmente saibamos cal foi a actuación realizada polos responsabeis municipais.

Ante esta situación vimos a formular a seguinte pregunta: Tomou ou vai tomar o goberno municipal algunha medida en relación á situación descrita?.

Resposta o Sr. Alcalde dicindo que o Concello non adxudicou esa obra e polo tanto non son quen para dicirlle nada á empresa. Soamente poden facer xestións coa delegación, que xa fixeron. Quedaron en vir arranxar o tema. Pero seguirán insistindo.

A concelleira D^a. MARIA LORENA LÓPEZ RODRÍGUEZ, en representación de D^a. Laura Alonso Gómez, formula as seguintes preguntas:

3.- A pasada semana producíronse no noso Municipio dous incendios de contedores en dous puntos distintos, no centro urbano de Redondela e na parroquia de Chapela.

Temos constancia de que non son os primeiros actos vandálicos que se producen na vila das mesmas características, porén, Redondela segue a carecer dun servizo de emerxencia dotado axeitadamente para atender as situacións similares e solventalas antes de que os danos sexan maiores.

O noso concello, de practicamente 30.000 habitantes, ten que depender dos servizos doutros Concellos circundantes cando se presenta un incendio, das dimensións que sexan. Os danos que se ocasionan son maiores, dado que o tempo de intervención é tamén maior.

Por todo isto, formúlase a seguinte pregunta: ¿Cal é o protocolo de actuación previsto polo Concello en casos de incendios provocados coma os que se produciron no concello de Redondela a pasada semana?.

Responde o concelleiro Sr. Reguera Ocampo dicindo que síguese o protocolo da Dirección Xeral de Protección Civil. Tamén sinala que están pendentes da sinatura do convenio con Presidencia para establecer o GRUMIR con 15 persoas.

4.- Cando menos nas últimas 3 procesións festexadas no noso Concello, a Corporación Municipal acudiu ás mesmas, encabezada polo Alcalde ou persoa en quen delegou tal actividade, levando este a cada lado a un maceiro.

Ditos portadores das mazas cobran por facer o seu papel durante dúas horas que dura o acto solemne, 150 euros por persoa. Tendo en conta que en 11 días festexáronse tres procesións, o Concello tivo que abonar a cantidade de 900 euros polo servizo desenvolvido por estas dúas persoas, e considerando ademais que nos atopamos en tempos xa non de crise económica, senón de recesión, consideramos excesiva dita cantidade de diñeiro que ademais é público.

Esta situación ten o agravante de que ambos maceiros son membros da recentemente creada Asamblea Local das Xuventudes Socialistas de Redondela, volvendo dar a impresión de que militar ou simpatizar co partido gobernante no concello, facilita que se reciban favores por parte do goberno redondelán.

É por este motivo que se formula a seguinte pregunta: ¿Cál é o criterio co que o Concello de Redondela seleccionou aos maceiros que acompañaron ao Alcalde ou persoa delegada nas procesións de Semana Santa e do Cristo dos Navegantes, é dicir, que requisitos son precisos cumprir para ser agraciado con 450 euros por camiñar a carón do bastón de mando?.

O Sr. Alcalde resposta que o criterio é o seu dedo.

O concelleiro D. JOSÉ ALBERTO PAZOS COUÑAGO, formula o seguinte rogo:

Dende fai tempo, vimos observando un progresivo deterioro das instalacións do multiusos de Redondela, e en especial das dependencias dedicadas a exposicións.

Así, previa a inauguración da exposición de Xosé Poldrás, puidemos comprobar como algunas persoas relacionadas coa organización desta mostra, e alleas ao Concello de Redondela, investían o seu esforzo persoal en acondicionar o local no que se espuxo a obra do Sr. Poldrás, executando distintas reparacións na pintura das paredes, coa finalidade de proporcionar un espazo coas debidas condicións de dignidade para acoller unha mostra desas características. Ademais deses estragos de pintura, podemos observar deficiencias no estado dos rodapés de madeira, na tarima das ventás principais, ou da lamentable imaxe da rampla de acceso habilitada na sala.

Entendemos que as exposicións organizadas dende este Concello deben realizarse nunhas condicións adecuadas, facilitando aos autores un espazo digno no que poidan mostrarnos a súa obra e, en consecuencia, rogo que se faga unha reparación e acondicionamento da sala principal de exposicións do Multiusos da Xunqueira.


Pola Presidencia dase por rematada a presente sesión, sendo as dez horas e dez minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 090 do Papel Timbrado da Comunidade Autónoma de Galicia, Serie A nº 2237090 ata a volta do folio núm.094, Serie A nº 2237094, e todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGÓN MERINO GIL